

Nr. 989

Su schwätze mir

Kürbisfratz, Meerdesknoll, Narrekapp



■ Von Katharina Schaaf

Owe die dräi Artverwandte
biete däm November Trotz:
Die em Brauchtum oft genannte
haue jetzt häi off de „Botz“.

Graue Herbst- on Wendergaister
hollen die Dräi en de Zang.
Em Verträiwe sen die Maister –
einmol fruh, manichmol bang.

„Kürbisfratz“ die kann erschrecke
net nur Gaister, och die Lait.
Die klor „Meerdesknoll“ am Steck
wor mir leewer säinerzait.

Doch die „Knoll“ kohm aus der Mode.
Met der bonte Fackelpracht,
bläift St. Meerdes onse goode –
„Lichtbleck“ der Novemбернаacht.

Einst hat su'n Prinz huhwohlgebore
wäje der verröckte Zahl
dä „Elfte-Elfte“ auserkore,
zom Offtakt fier dä Karneval.

Met Narrekapp wird em November
nau jährlich zom Apell geblohs.
Dat verzeiht sugar Anfang Dezember
– däm Narr – dä hailije Nickelohs!

Katharina Schaaf

12.11.2005